

舊唐書逸文

舊唐書逸文卷八

甘泉岑建功輯

官品志

駙馬奉車騎三都尉並無員駙馬以加尙公主者無班秩

御覽卷一百五十四 案御覽職官一門凡引唐書而無官品

志三字者俱編爲職官志逸文其有官品志三字者今依御覽之次序彙列于此卷舊書本無官品志名目故次於各志之後以俟考 又案職官志一云駙馬都尉騎都尉下注云並武散官駙馬自近代已來唯尙公主者授之奉車有唐已來無其人騎都尉下注云勲官與此條文義不同下文各條仿此

錄尙書一人位在令上掌與令同但不糾察令則糾彈禁事與御史中丞更相廉察

御覽二百十 通典二十二錄尙書上有北齊二字但作俱不糾察下有自隋而無四字又尙書令下云後魏北齊掌彈糾見事與御史中丞更相廉察隋亦總領衆務下始接大唐云云

案此條似敘前代官制語義尙未完備御覽凡引唐書官品志之文者往往節取其數語而唐之官品反未引及今無從核其原文姑錄之以俟考以後凡似此者不復贅述焉 又案錄尙書之官唐時無此名目蓋附列前代之制以備參考也下文廷尉卿少府卿大匠卿中庶子郡丞司隸臺大夫並仿此

僕射爲執法置二則爲左右僕射皆與令同左糾彈而右不糾彈御覽二百十一 通典二十二僕射上亦有北齊二字爲上有職字餘同

侍中高功者在職一年詔知侍中祭酒與侍郎高功者一人對掌

禁令

御覽二百十九 通典二十一侍中上有梁字知作加侍郎上有散騎二字禁令下有此頗爲宰相矣六字

中丞一人掌督司百僚皇太子已下其在營門行馬內違法者皆糺彈之雖在馬外而監司不糺亦得奏之專道而行逢尙書丞郎亦得停駐

御覽二百二十六 通典二十四上有梁國初建又置御史大夫天監元年復曰中丞十八字無已下二字營作官糺作糾馬上有行字

殿中侍御史四人掌禁中禁衛內事

御覽二百二十七 通典二十四四人上有梁有二字禁中作殿內

梁天監七年又詔以爲陵監之名不出前誥且宗廟憲章旣備典禮園寢職司理不容異諸正陵先立監者改爲令於是陵置令矣

御覽二百二十九

光祿卿位視太子中庶子掌宮殿門戶統守黃門華林園暴室等令

御覽二百二十九

通典二十六但云梁天監中視中庶子無

統守黃門以下數字

衛尉卿位視侍中掌宮門屯卿每月丞每旬行宮徼糾察不法統武庫令公車司馬令

御覽二百三十

通典二十五衛上有梁字中下有職與漢同

四字掌宮門屯句則屬于隋代屯下有兵字並有大唐因之四字統武庫令公車司馬令作領武庫武器守宮三署署各有令

此語則屬于神龍初

宗正卿位視列曹尙書主皇室外戚之籍以宗室爲之

御覽二百三十 通典二十五位上有梁天監七年復置之七  
字宗室作皇族

太僕卿位視黃門侍郎統南馬牧左右牧龍廐內外廐丞

御覽二百三十 通典二十五太僕上有梁字南下無馬字內  
外廐下無丞字

廷尉卿梁國初建曰大理天監元年復改爲廷尉有正監平三人  
元會廷尉三官與建康三官皆法冠元衣朝服以監東西中華門  
守執方木長三尺方一寸謂之執方

御覽二百三十一 通典二十五復改爲廷尉下有舊用黃門  
後視祕書監九字守作手餘同

鴻臚卿位視尚書右丞掌導護贊拜

御覽二百三十二 通典二十六鴻上有梁除大字但曰六字  
右作左掌作常

司農卿位視散騎常侍主農功倉廩統太倉道官籍田上林令  
御覽二百三十二 通典二十六司農上有梁字廩下無統太  
倉句至大唐咸亨下始云領上林太倉鉤盾導官四署署各有  
令丞

太府卿位視宗正掌金帛府帑統右藏令

御覽二百三十二 通典二十六太上有至梁天監七年置七  
字帑下有及關津市肆五字無統右藏令句至大唐神龍元年  
下始云領兩京諸肆平準左右藏常平等九署署各有令丞  
少府卿位視尚書左丞置材官將軍左中尚方甄官平水中署南

塘邸稅庫東西冶中黃細作炭庫紙官染署等令丞

御覽二百三十六 通典二十七少府卿作梁少府爲夏卿置材官下文畧異唐六典二十二置作統

大匠卿位視太僕掌土木之工統左右校諸署

御覽二百三十六

特進左右光祿金紫銀青等光祿大夫用人俱以舊德就閑者居之

御覽二百四十三 通典三十四於特進下云後魏北齊用人皆以舊德就閑者居之無左右以下十三字

太子太師太傅太保是爲三師常師範訓導輔翊

御覽二百四十四

太子太傅一人位視尙書令少傅一人位視左僕射



御覽二百四十四 通典三十太子作梁兩傳字下皆無一八  
二字視左上無位字

太子少師少傅少保是爲三少各一人掌皇太子以觀三師之德  
出則三師在前三少在後

御覽二百四十四 通典三十太子少師上有後魏有太師太  
傅太保謂之東宮三師十五字無太子二字是爲作謂之東宮  
無各一人以下十三字出上有北齊皆有之五字下同

中庶子四人功高者一人爲祭酒行則負璽前後部護駕

御覽二百四十五 通典三十以此條屬于梁天監七年中上  
有凡字功上有以字

庶子四人掌侍從左右獻納得失高功者一人舍人共掌其坊之  
禁令

御覽二百四十五 通典三十此條卽系于中庶子下亦在梁  
天監七年高功者一人舍人作與功高通事舍人一人語義較  
備令下有冠服並同四字

家令掌刑法食膳倉庫什物奴婢等事

御覽二百四十七 通典三十掌上亦有隋字無什物二字等  
下無事字下有場帝改爲司府令大唐復爲家令云云

率更令掌伎樂漏刻也

御覽二百四十七 通典三十掌上有隋字漏下無也字下有  
令丞錄事各一人大唐因之云云

太子僕掌宗族親疎車輿騎乘也

御覽二百四十七 通典三十掌上有隋僕寺置僕一人七字  
宗作皇無也字下有領廐牧署令大唐因之云云

左右衛率各一人位視御史中丞各有丞左率領果毅統連立忠  
建甯凌鋒夷冠祚德等七營右率領崇榮永吉崇和細射等四營  
二率各置尉

御覽二百四十七 案通典三十但云梁左右衛率其領十一  
營未備列其名而與此條營數正合二率各置尉通典則作二  
率各領殿中將軍十人員外將軍十人 又案唐六典二十八  
左率作左衛率冠作冠右率作右衛率崇榮作從榮無二率各  
置尉五字

司隸臺大夫一人正四品掌諸巡察其所掌六條一察品官以上  
理政能不二察官人貪殘害政二察豪強奸滑侵害下人及田宅  
踰制官司不能止禁者四察水旱蟲災不以實言枉徵賦役及無  
災妄蠲免者五察部內賊盜不能窮逐隱而不申者六察德行孝

悌茂才異行隱而不貢者每年二月乘輅巡郡縣十月入奏

御覽二百五十 通典三十二云隋煬帝置司隸臺有大夫一

人掌諸巡察無正四品三字並無其所掌六條以下諸語下文  
卽云後又罷司隸臺大唐無司隸校尉而有京畿採訪使亦其  
職也

丹陽會稽吳郡吳興及萬戶郡丞並六百石

御覽二百五十三

制舉科

會要七十六作制科舉冊  
府六百四十五作科目

顯慶三年二月志烈秋霜科

韓思彥  
及第

御覽六百二十九 會要七十六及冊府六百四十五同 案

御覽於貢舉一門附制舉科數十條皆引作唐書云今亦附列  
於官品志後以俟考焉 又案史書有選舉志自新唐書始舊

唐書尙無此名禮儀志四雖有考試之事而制舉科目及第年月則全未載入此條於彼處無可附麗故另列於此卷下文各條仿此

乾封元年幽素科

蘇瓌解琬苗神谷格輔元徐昭劉納言崔谷神及第

御覽六百二十九 會要七十六神谷作神客納作訥冊府六百四十五同 案解琬傳云少應幽素舉未言何年

上元三年正月詞標文律科

崔融及第

御覽六百二十九 會要七十六標作殫冊府六百四十五同 案崔融傳云初應八科舉擢第未言何年

永隆元年岳牧舉

御覽六百二十九 會要七十六舉下有武陟縣尉員半千及第九字下仍有上御武成殿親問云云冊府六百四十五亦有

武陟以下九字惟員誤作賀 案文苑員半千傳敘其由武陟

尉應嶽牧舉事與會要相合但未言永隆元年耳

垂拱四年十二月詞標文苑科

房晉甫墳王旦及第

御覽六百二十九 會要七十六甫上有皇字冊府六百四十

五同垂拱上有則天二字

永昌元年五月蓄文藻之思科

彭景直及第

抱儒素之業科

李文愿及第

御覽六百二十九 會要七十六五作正冊府六百四十五同

愿作尉

長壽三年四月臨難不顧徇節

雷邦科薛稷冠

御覽六百二十九 會要七十六同冊府六百四十五泚作玼

證聖元年長才廣度沉迹下僚科

張滿及第

御覽六百二十九 會要七十六同冊府六百四十五泚作河

通天元年文藝優長科韓琬及第

御覽六百二十九 會要七十六通天上萬歲二字琬作璘

冊府六百四十五亦有通天二字惟璘仍作琬

神功元年九月絕倫科蘇頌崔元董仁袁敬何鳳孟溫禮洪子興盧從愿趙不欺及第

御覽六百二十九 會要七十六董作童袁在仁字上溫作兼

子興作子興冊府六百四十五同惟興又作與 案盧從愿傳

云又應制舉拜右拾遺未言何年

大足元年理選使孟詵試拔萃科崔翹鄭疾惡科及第馬萬石

御覽六百二十九 會要七十六微上有少字冊府六百四十

五同微作徵馬作馮無萬字

長安二年龔黃科馬克庵及第

御覽六百二十九 會要七十六馬作馮冊府六百四十五同

神龍二年才膺管樂科

張大求魏啟心魏惜盧絢張文成  
褚珍咸慶業郭璘趙不爲及第

才高位

下科

馮萬石晁良  
貞張敬及第

御覽六百二十九

會要七十六咸慶作成廩冊府六百四十

五年下有二月令舉天下鴻儒碩學之士是年有十五字咸慶

亦作成廩璘作隆良貞作良身

案張薦傳云祖驚字文成又

應下筆成章及才高位下詞標文苑等科驚凡應八舉皆登甲

科未言何年

三年材堪經邦科

張九齡康  
元環及第

賢良方正科

蘇晉宋務光寇泚  
盧怡呂恂及第

御覽六百二十九

會要七十六三作二冊府六百四十五環

作環

案張九齡傳云應舉登乙第未言何年

景龍三年抱器懷能科

夏侯銍  
及第

茂才異等科

王敬盧衍  
重元及第

御覽六百二十九

會要七十六敬下有從字盧下無衍字冊



府六百四十五同夏侯銛作侯銘

景雲二年文以經國科

袁暉郭朝宗及第

藏名貢俗科

李俊之及第

御覽六百二十九 會要七十六郭作韓冊府六百四十五同

俊之作俊文

先天元年文經邦國科

韓休及第

藻思清華科

趙冬曦及第

寄以宣風則能

興化變俗科

郭璘之及第

道侔伊呂科

張九齡及第

手筆俊拔超越輩流科

任昱張子漸張秀明常無名趙居貞賈登邢巨及第

御覽六百二十九 會要七十六元年作二年輩流作流輩任

作杜名作咎貞作正冊府六百四十五先天上有元宗二字元

年下載有十二月制語子漸作子斷餘與會要同惟咎仍作名

案韓休傳云初應制舉累授桃林丞又舉賢良元宗時在春

宮親問國政休對策與校書郎趙冬曦並爲乙第張九齡傳云

元宗在東宮舉天下文藻之士親加策問九齡對策高第與此條之事正合先天元年十二月元宗已受禪而尙未親政猶居東宮至二年十二月則改年開元且已親政不復居東宮矣當以御覽冊府爲是

開元二年直言極諫科梁昇卿袁楚客及第哲人奇士逸倫屠釣科孫述及第良

才異等科邵閏之崔翹及第

御覽六百二十九 會要七十六 二年作元年閏作潤冊府六百四十五年下載有六月甲子制語邵作張 案文苑孫述傳云開元初應哲人奇士舉授山陰尉與此條開元二年之語相合

五年文史兼優科李昇期康子元達奚珣及第文儒異第科崔侃褚庭晦及第

御覽六百二十九 會要七十六 異第作異等此科列于文史

兼優科上冊府六百四十五年下載有二月詔語子元作允元

第亦作等侃作侃

六年博學通議科

鄭少微蕭誠及第

御覽六百二十九

會要七十六誠作識冊府六百四十五同

七年文詞雅麗科

邢巨苗晉卿褚思光趙良器及第

御覽六百二十九

會要七十六冊府六百四十五同

十二年將帥科

裴敦復房自謙及第

御覽六百二十九

會要七十六冊府六百四十五同

十五年武定安邊科

鄭昉樊衡及第

高才沉淪草澤自舉科

鄧景山及第

御覽六百二十九

會要七十六定作足昉作防冊府六百四

十五年下載有二月制語定亦作足

十七年才高未達沉迹下僚科

吳肇及第

御覽六百二十九 會要七十六冊府六百四十五同

十九年博學宏詞科鄭昉陶翰及第

御覽六百二十九 會要七十六同冊府六百四十五翰作韓

二十一年多才科李史魚及第

御覽六百二十九 會要七十六冊府六百四十五同

二十三年王霸科劉瑾杜智謀將帥科張重光崔圓及第

御覽六百二十九 會要七十六霸作伯季作李冊府六百四

十五年下亦載有正月詔文瑾下脫杜字圓作圖季亦作李

案崔圓傳云開元中詔搜訪遺逸圓以鈴謀射策甲科授執戟

未實指何年

天寶元年文詞秀逸科崔允顏真卿及第

御覽六百二十九 會要七十六允上有明字冊府六百四十

五同元年下載有正月一日詔語

六年風雅古調科

薛據及第

御覽六百二十九 會要七十六年作載據作璩冊府六百四

十五年亦作載

十三年二月詞藻

宏麗科

楊綰及第

御覽六百二十九 會要七十六年亦作載冊府六百四十五

同年下載有二月所下之詔詞上有是年舉三字 案楊綰傳

云天寶十三年元宗御勤政樓試博通墳典洞曉元經辭藻宏

麗軍謀出衆等舉人取辭藻宏麗外別試詩賦各一首制舉試

詩賦自此始也時登科者三人綰爲之首與此條相合但未言

何月 又案元宗紀下天寶十三載秋八月上御勤政樓試四

科制舉人策外加詩賦各一首制舉加詩賦自此始也疑二月

下詔舉四科至八月始召試耳

大歷二年樂道安貧科

楊膺及第

御覽六百二十九 會要七十六同冊府六百四十五年下有

應字 案代宗紀云十月癸卯上御紫宸殿策試茂才異行安

貧樂道孝悌力田高蹈不仕等四科御覽所引此條蓋卽其時

之事

六年諷諫主文科

鄭晦倫李益及第

御覽六百二十九 會要七十六冊府六百四十五同 案代

宗紀云大歷六年夏四月丁巳上御宣政殿試制舉人此條所

言蓋卽其時之事

建中元年賢良方正能直言極諫科

姜公輔元友直樊澤呂元膺及第

文詞清麗

科奚陟梁肅劉公亮鄭元及第經學優深科孫珣黎逢李隨及第高蹈邱園科張紳衡良

儒蘇哲夏侯番平知和鄧潘軍謀越衆科凌正周渭丁佚及第孝弟力田聞於鄉閭科

郭黃中崔浩口收及第

御覽六百二十九 會要七十六陟誤作涉玼作玼季上有白

字衡作衛澹作僖佚作悅浩下闕文係李字收作牧冊府六百

四十五年下有應字公輔誤作公卿元下無友字呂作臣梁肅

作梁輔鄭下無轅沈一字夏侯作夏后餘與會要同 案姜公

輔傳云應制策科高等奚陟傳云又登制舉文詞清麗科皆未

言何年呂元膺傳云建中初策賢良對問第文苑吳通元傳云

建中初應文詞清麗登乙第亦但言建中而未實指何年惟樊

澤傳云建中元年舉賢良對策與此條正相符合

貞元元年九月賢良方正能直言極諫科韋執誼鄭利用廖賢楊

李言崔邠鄭敬魏宏鄒裴復柳公綽韋歸登博通文典達於教化科熊執易劉識洞韜略

簡回元佑徐袞及第

堪任將帥科

許賢及第

御覽六百二十九 會要七十六賢作質鄂作邵歸上無韋字

言作直方同作沈迴田右作祐文典作墳典將帥作將相冊府  
六百四十五與會要同惟沈迴下無田字祐作祿袞作充將相  
仍作將帥是年下亦載有九月詔語 案歸登傳亦載其貞元  
初登賢良科事此條歸上韋字蓋涉上文韋執誼而衍 又案  
韋執誼傳云應制策高等崔邠傳云又登賢良方正科皆未言  
何年柳公綽傳云應制舉登賢良方正直言極諫科貞元元年  
也與此條正合 又案德宗紀上云貞元元年九月乙巳上御  
正殿策賢良方正能直言極諫等三科舉人此條所言蓋卽其  
時之事

四年四月賢良方正能直言極諫科

崔元翰裴次元李彝崔豐史  
佺陸震柳公綽趙餘徐因殺



韋彭壽鄒儒立王乃清廉守節政術可稱堪任縣令科李孝弟力

杜倫元易王真及第  
田聞於鄉閭科張皓及第

御覽六百二十九 會要七十六豐作農侔作牟憭作參乃作

及堪下無任字浚作巽下有及第二字皓作皓冊府六百四十

五四年下載有正月詔語賢良上有應字翰誤作輪豐亦作農

侔亦作牟憭作修浚作異皓亦作皓 案崔元翰傳云又應賢

良方正直言極諫科未言何年柳公綽傳云貞元四年復應制

舉再登賢良方正科與此條正合

十年十月賢良方正能直言極諫科 裴均王播朱諫裴度熊執易

王仲舒許季同仲子博通墳典達於教化科 宋穎 詳明政術可以

陵鄭士林邱顯及第  
理人科張平叔李景亮及第

御覽六百二十九 會要七十六十月作十二月均誤作均毅

下有杜轂二字顓作穎達作通宋作朱冊府六百四十五下  
有一字播誤作璠鐫誤作鑄餘與會要同 案王播傳云登賢  
良方正制科崔羣傳云又制策登科皆未言何年裴珣傳云貞  
元中制舉賢良極諫對策第一裴度傳云貞元五年進士擢第  
登宏辭科應制舉賢良方正能直言極諫科因辭賢良與進士非一年之事皇  
甫鏐傳云貞元初登進士第登賢良文學制科亦但言建中而  
未實指何年文苑王仲舒傳云貞元十年策試賢良方正能直  
言極諫等科仲舒登乙第與此條正合 又案德宗紀下云貞  
元十年十月癸卯御宣政殿試賢良方正能直言極諫等舉人  
此條所言蓋卽其時之事當從御覽作十月爲是

元和四月才識兼茂明於體用科

元禎韋惇獨孤郁白居易曹景伯韋慶復崔珣羅讓崔護薛存

慶章行李蕃元修蕭悅沈傳師柴宿及第

達於吏理可使從政科

陳祐及第

御覽六百二十九 會要七十六 四月上有元年二字是珣作

綰章作韋蕃作瑀沈傳師在蕭俛上吏理作吏治冊府六百四十五與會要約同惟俛下無沈字師作歸蓋傳寫脫誤也陳帖作蕭睦疑亦涉上文蕭俛及下條蕭睦而誤 又案崔瑄傳云

又制策登科孝友羅讓傳云應詔對策高等沈傳師傳云登制

科乙第皆未言何年獨孤郁傳云元和初應制舉才識兼茂明

於體用策入第四等蕭俛傳云元和初復登賢良方正制科亦

但言元和而未實指何年元稹傳云應制舉才識兼茂明於體

用科稹爲第一元和元年四月也白居易傳云元和元年四月

憲宗策試制舉人應才識兼茂明於體用科策入第四等與此

條正合 又案憲宗紀上云元和元年四月丙午今本脫四月二字據上文

三月朔乙丑及下文五月朔命宰臣監試制舉人於尙書省此

甲子推之丙午必在四月

條所言蓋卽其時之事

二年四月賢良方正直言極諫科

牛僧孺皇甫湜李宗閔李正封吉國宗徐晦賈餗王起郭球姚

寇庾成及第

博通墳典達於政教科

馬苞陸巨及第軍謀宏遠材任將帥科

師及第

達於吏理可使從政科

蕭睦及第

御覽六百二十九 會要七十六直言上有能字成作威政教

作教化馬作馮宏遠作宏達理亦作治冊府六百四十五同惟

宏達仍作宏遠治仍作理 案牛僧孺傳云登賢良方正制科

徐晦傳云登直言極諫制科賈餗傳云又登制策甲科王起傳

云登制策直言極諫科皆未言何年李宗閔傳云元和四年復

登制舉賢良方正科據憲宗紀上云元和三年夏四月乙丑貶

翰林學士王涯虢州司馬時涯甥皇甫湜與牛僧孺李宗閔並

登賢良方正科第三等則作二年與作四年者皆誤

有月方書卷之三

長慶元年十二月賢良方正能直言極諫科龐嚴任苑呂述姚中

從韋正實崔知詳明政術可以理人科崔郢軍謀宏遠材任將相

陳白元錫及第科吳思李商博通墳典達於教化科李思元

御覽六百二十九 會要七十六 琬作琬中下有立字實作貫

白在陳上宏遠作宏達將相作將帥隱作卿冊府六百四十五

元年下亦載有正月詔語麗嚴作嚴寵報作瑕餘與會要同惟

達仍作遠 案龐嚴傳亦載長慶元年冠制科事冊府作嚴寵

非是 又案崔龜從傳云又登賢良方正制科未言何年李回

傳云長慶初進士擢第又登賢良方正制科亦但言長慶初而

未實指何年穆宗紀云長慶元年十一月戊午上御宣政殿試

制科舉人蓋十一月試策十二月乃及第耳 又案文苑李商

隱傳云開成二年方登進士第長慶元年在開成二年之前十

六年必無登制科之事此條隱字必傳寫之訛當以卿字為是

寶歷元年四月賢良方正能直言極諫科唐申楊儉韋端符舒元

祝裴暉韋綱李昌寶嚴封詳明吏理達於政教科韋正實軍謀宏

達材任邊將科裴儔侯雲

御覽六百二十九 會要七十六申作紳端作瑞封上有楚字

匡作涯裘作馮球理作治實作貫冊府六百四十五申作伸祝

作祝寶作實匡亦作涯裘亦作馮球實作貫宏達作宏遠雲作

平 案楊汝士傳云弟曾士復登制科未言何年敬宗紀云寶

歷元年三月辛未上御宣政殿試制舉人二百九十一人蓋試

策在三月及第在四月也

太和二年閏三月賢良方正能直言極諫科裴休裴素李鄆南卓

崔博崔輿王式羅邵程京崔渠韓寶詳明吏理達於教化科宋坦

崔慎由苗愔韋昶崔煥崔黨及第

軍謀宏遠堪任將帥科

鄭冠李式及第

御覽六百二十九 會要七十六李邵在裴休上申作甘璣作

興京上無程字黨作諱沮作昆宏遠作宏達冠作冠冊府六百

四十五邵作邵植作維餘與會要同惟情作隋煥作璣黨作諱

達仍作遠冠仍作冠 案裴休傳云又應賢良方正升甲科杜

牧傳云又制舉登乙第馬植傳云又登制策科崔璵傳云又制

策登科皆未言何年崔慎由傳云太和初擢進士第又登賢良

方正制科亦但言太和而未實指何年文宗紀上云太和二年

三月辛巳上御宣政殿親試制策舉人蓋三月試策閏三月乃

及第也

舊唐書逸文卷九

甘泉岑建功輯

列傳一 后妃上

元宗楊貴妃

楊貴妃生於蜀好荔枝海南荔枝勝蜀者故每歲飛馳以進然方暑而熟經宿輒敗

御覽九百七十一 案貴妃傳載揚益嶺表造作奇器異服事此條似當列於其後

貴妃姊虢國夫人豪侈尤甚所枕照夜枕不知其價夜中照廡其光如晝

御覽七百七 案貴妃傳載韓虢納賂事此條似當列於其後  
列傳六



蕭銑

武德中李靖隨河間王孝恭討蕭銑於江陵不從靖謀致敗委舟大掠人皆負重靖見其兵亂進兵擊之賊大敗又乘勝進入其郛郭攻其水城克之悉取其舟楫散于江中賊救兵見之謂城以陷莫敢輕進銑內外阻絕城中攜貳由是懼而出降

御覽三百十三 案冊府四百一十八載此事同而文迥異通典一百五十八不從上有王字委上有賊字是御覽脫去耳兵亂作軍亂克作剋檣作艫以作已 案銑傳云知銑降皆送欵於孝恭此條似其處逸文蓋上文已叙兵敗出降之事此條乃言兵敗出降之由史家本有此法非複見也 又案高祖紀及孝恭傳靖傳與此條事同文異故定爲銑傳逸文

杜伏威

吳王杜伏威性好左道因合金丹求長生之術常服雲母散

御覽八百八 案伏威傳云在長安暴卒此條疑是彼處逸文  
新書伏威傳云伏威好神仙長年術餌雲母被毒武德七年二  
月暴卒可以互證

列傳八

唐儉

衛國公李靖伐突厥頡利可汗以唐儉先在突厥結和親突厥遂  
不備靖因掩擊破之亦以唐儉爲死間之勢

御覽二百九十二 通典一百五十一衛下無國字餘同 案  
儉傳云靖率輕騎掩襲破之此條疑彼處逸文 又案李靖傳  
及突厥傳與此條事同文異故定爲儉傳逸文

列傳十

## 王君廓

王君廓少孤貧無行以剽劫爲業亡命聚徒以逆鬚竹器籠人頭而奪其繒帛

御覽八百十八 案君廓傳但云少亡命爲羣盜聚徒千餘人此條似彼處逸文 又案冊府九百三十廓下有本太原人後徙家於井陘十字剽劫作駟僧其餘所叙亦較御覽爲詳其詞云善行偷盜嘗所齎竹器內有逆鬚制同魚笱纔容人頭於日晚時市人將散見鬻繒者君廓以竹器自後籠其頭逆鬚爲礙不可得脫乃奪繒而去物主不之識竟以獲免其詭譎多此類也 又案新書君廓傳叙此事在聚兵爲盜之前

王君廓統兵經略東都王世充將郭士行許羅漢前後入掠君廓輒擊退之拜右武衛將軍詔勞之曰卿以十三人破賊一萬自古

以少擊衆未之前聞非惟驍勇絕人亦足以顯卿忠節也

御覽二百七十六 案新書君廓傳叙此事在爲右武衛將軍之後進爵彭國公之前舊書君廓傳但云歷遷右武衛將軍累封彭國公疑有脫文 又案冊府四百十九統兵上有爲上柱國武德初七字充上無世字行作衡輒作轉十三作三千誤擊作制足下無以字

王君廓從大將軍討別下輟輟羅山二縣王充遣將魏隱率兵拒之君廓撤營僞遁設伏以待之隱縱兵疾進發伏破之

御覽三百二 案據新書君廓傳此一條亦當在歷遷右武衛將軍之後累封彭國公之前 又案冊府三百五十七從上有武德初以上柱國七字軍上無將字討上有東字充上有世字破上有大字下卽接又與諸軍下武牢執王行本擊王世充沈

其米艘進爵彭國公云云益可證此事在未封彭國公以前

列傳十一

寶誕

寶誕爲太常奏用音聲博士皆爲大樂鼓吹官僚於後彈胡琵琶胡人白胡達竹伯夷積勞計考並至大官自是以聲伎入流品者蓋以百數

御覽二百二十八 會要二十四彈胡作箏簧胡人至伯夷作人白明達術踰等夷自是下無以字 案寶誕傳云轉太常卿此條蓋卽彼處逸文

列傳十六

杜淹

太宗引杜淹爲天策府兵曹參軍文學館學士常侍宴賦詩時有

八人同作淹爲稱首賜以銀鍾

御覽八百十二 案本傳無常侍以下十九字此條必是彼處逸文 又案冊府七百十一淹下有武德初三字爲天策府作爲秦王府無兵曹參軍四字時下無有字同下無作字 又案新書淹傳叙此事亦在爲學士時

### 列傳十七

#### 李勣

高祖以徐世勣爲右武侯大將軍詔曰念功褒善哲王懿訓紀德親賢有國通典黎州總管曹國公世勣本自黎陽擁徒歸順任以藩岳誠効克彰節義不渝夷險無變信同金石操擬松筠宜加寵命用超恒序可賜姓李氏

御覽二百三十七 案勣傳云尋加右武侯大將軍改封曹國

公賜姓李氏此詔當是其下之逸文

列傳十九

薛萬均

薛萬均從李靖等擊吐谷渾軍次青海與弟萬徹率軍先路道遇虜於赤海萬均將十數騎擊走之追奔至積石山南道大風折旗拔木萬均謂左右曰虜將至矣宜各設備俄而虜至萬均直前斬一賊將於是大潰殺傷略盡

御覽三百三十 冊府三百九十從李靖上有爲左屯衛將軍六字與下脫弟字各設作合爲無殺傷畧盡四字又三百九十八左屯作右屯將軍下又有沃沮道行軍副總管八字軍次作攻與下有弟字路作通道作路積石作青石南下無道字各上無宜字設作爲殺傷畧盡下仍有進至圖倫磧而還與靖會于

青海太宗間而大悅璽書勉勞以功拜兼屯衛大將軍三十二  
字 案萬均傳云萬均此後官至左屯衛大將軍累封潞國公  
而卒此條當補於其前 又案新書萬均傳叙此事亦在官左  
屯衛大將軍之前

### 劉世讓

劉世讓檢校并州總管時突厥可汗遣俱檢特勒以所部千人居  
我并州甚爲民患前總管李仲文不能制世讓到官以計擒之馳  
使以聞高祖大悅嘉歎久之

御覽三百二十六 案世讓傳云累轉并州總管此條當列於  
其下

### 列傳二十

### 戴至德



戴至德爲僕射時與劉仁軌更日受詞訟嘗有老母經省陳詞至德已收牒省視老母前曰本謂是解事僕射所以來訴公乃是不解事僕射請卻付牒來也至德笑而還之議者尤稱其長者焉

御覽二百十一 案會要五十七無嘗字及經省二字兩母字皆作嫗無請字及其字焉字據其所述之次第此條當在至德傳由是時譽歸於仁軌之下或以問至德之上通鑑載此事於上元二年八月母亦作嫗冊府八百五十爲僕射上有高宗朝三字與上無時字訟在詞字上已誤作以無所以來以下十一字牒來下無也字之字在議字下 又案新書至德傳叙此事亦與會要之次第相同

列傳二十一

魏徵

武德初字文化及據聊城淮安王神通進兵躡之祕書丞徵謂神通曰化及今據聊城莘人爲其固守若至莘卽宜攻取但拔莘縣聊城益懼因而逼之易同俯拾須以攻具自隨一足威敵二不之用不然兵至莘城見無攻具不下如不能剋莘而遠追化及恐亦無功則化及非旬月可獲莘人阻我糧運化及爲之外援恐非計之善者神通不從軍次莘果不下而退敗

御覽三百一十八 案以新舊書高祖紀及神通等傳核之此事在李世勣降唐之後竇建德陷黎陽之前此一節當補於舊書徵傳以餽淮安王神通之軍之下俄而建德悉衆南下之上通典一百五十八徵上有魏字退敗作退散餘同

貞觀中桂州都督李宏節以清慎聞身歿之後其家賣珠上聞上乃宣言於朝曰此人生時宰相言其清白今日既然所舉者豈得

無罪必可理之不可捨也魏徵諫曰陛下言此人不清未見受財之所聞其賣珠將罪舉者臣不知所謂自聖朝以來爲國盡忠清眞自守終始不渝者屈突通張道源而已通子三人來選共有一疋羸馬道源兒子不能存立未見一言及之今宏節爲國立功前後大蒙賞資居官終歿不言貪殘妻子賣珠未爲有罪審其清者無所存問疑其濁者傍舉罪人雖疾惡情深實以好善不篤臣竊思度未見其可恐有識聞之必生橫議伏惟再思上撫掌曰造次不思遂有此語方知談不容易

御覽八百三 事類賦注卷九節引上聞下有疑之二字所舉者豈得無罪作將罪所舉者終始不渝者作清白不渝者一疋二字在馬字下今宏節至賞資作而宏節立功大蒙賞賜實以好善不篤作亦好善不篤矣上撫掌作善其言會要五十五頁

觀中作貞觀十三年聞下上字作之生時作生平言上有皆字  
必可作必當魏徵上有特進二字貞作正有上無其字終歿作  
終末傍舉罪人罪在舉字上雖下有云字實以作亦實不篤作  
未篤 案徵傳載十二年奏三品塗遇親王事此條之事既在  
十三年似當列彼條之後

太宗得鵠絕俊異私自臂之望見鄭公魏徵乃藏於懷公知之遂  
前白事因語古帝王逸豫徵以諷諫語久帝惜鵠且死而素嚴敬  
徵欲盡其言徵語不時盡鵠死懷中

御覽九百二十六 案徵傳載其犯顏進諫神色不移事此條  
似當列於其後

列傳二十二

虞世南

太宗將致櫻桃於鄴公稱奉則以尊言賜又以卑問之虞監曰昔梁帝遺齊巴陵王稱餉遂從之

御覽九百六十九 案世南傳云太宗重其博識每機務之隙引之談論共觀經史此條似當列於其後

列傳二十三

顏師古

太宗正授顏師古秘書監制曰秘書望華史官任重選衆而舉歷代攸難守祕書監顏師古體業淹和器用詳敏學該流略詞兼典麗職司圖書亟經歲序朱紫既辨著述有成宜正名器允茲望實可祕書監

御覽二百二十三 案新書師古傳遷祕書監未言何年舊書師古傳繫諸貞觀十五年疑此條必是逸文當在師古俄遷祕

書監宏文館學士之下 又案全唐文卷四該作資餘

列傳二十四

馬周

城陽公主初適杜如晦之子荷荷貞觀中爲尚衣奉御坐承乾事  
伏誅公主改適饒州刺史薛昱之子瓘將成婚太宗使卜之卜人  
曰兩火俱食始則同榮末亦雙悴若晝日行合昏之禮則終吉太  
宗將從之馬周諫曰臣聞朝謁以朝思相戒也講習以晝思相成  
也讌飲以晷思相歡也婚合以夜思相親也是以上下有威內外  
有規動息有時吉凶有儀先王之教不可黷也今陛下欲謀其始  
而亂其紀不可爲也夫卜筮者所以定猶豫決嫌疑若黷禮亂常  
先王所不用也太宗又從其言而止

御覽七百二十六 會要卷六載馬周諫詞威作成規作親無

定猶豫三字用下無也字冊府五百三十一無初適以下二十  
五字卜人在卜之二字上以夜作以夕有儀作有宜黷禮作瀆  
禮全唐文一百五十五相戒作相見讎作燕亂常作慢經餘同  
案承乾及杜荷之敗在貞觀十七年周傳云十八年遷中書  
令此條當是彼處逸文

崔滌

崔滌元宗時嘗朝夕宮掖出入無閒慮有所漏洩乃於滌笏上親  
札慎密二字以誡之

御覽六百九十二冊府一百七十二嘗作帝以其案滌傳  
云出入禁中與諸王侍宴不讓席而坐或在雷王之上此條當  
列於其後又案新書滌傳叙此事亦在與諸王不讓席坐之  
後

列傳二十五

蘇世長

蘇世長容貌醜陋頗有學識性滑稽言雜諧調隋大業中爲都水使者煬帝嘗謂之曰卿面何類駟驢世長再拜叫呼以手據地蹙項敗面爲駟驢之狀羣臣掩口而笑煬帝大悅賜帛百疋

御覽三百八十二 冊府八百三十五何作可項作頰 案世長傳云大業中爲都水少監大業乃煬帝年號此條當是彼處逸文

列傳二十六

太宗諸子

恒山王承乾

太子承乾與漢王元昌相託附承乾賜以琵琶名馬元昌報以鶴子山雞



御覽九百二十六 案承乾傳載其與元昌等謀反事此條當是彼處逸文 又案元昌傳亦有乃相附託之語與此條所述不同故定爲承乾傳逸文

齊王祐

齊王祐太宗第五子好養鴨未反前忽有野狸入籠中咬四十餘鴨皆斷其頭及敗同惡而誅者四十四人

御覽九百十九 冊府九百五十一於此事前並云祐未反前數月於齋中晝坐忽見一人云災厄甚逼可修福以禳之言訖而滅但令多設佛齋餘無悛悔下卽接此條好上有又字鴨下無未反前三字咬作齮 案此兩事本傳俱未載疑當在餘黨悉伏誅之下 又案新書祐傳叙養鴨事亦在傳末

列傳三十

來濟

來恒及弟濟相次知政事時以爲榮初濟父護兒在隨爲猛將而恒濟俱以學行見稱時虞世南子昶旣無才術歷將作少監工部侍郎累居工作之司濟初升相位許敬宗歎曰士之登庸不繫世業履道則爲衣冠失緒則爲匹庶來護兒兒作宰相虞世南男作木匠忠賢文武固無種也

御覽二百五 冊府九百三十九恒作嘗下同知政事作爲侍中無時以爲榮四字初濟作其在上有初字隨作隋少監作少匠庸作用履作得又九百四十自許敬宗以下悉同惟得仍作履其餘叙事之文亦前後互易 案濟傳末云濟兄巨巨卽恒之異文宗諱所改有學行與濟齊名上元中官至黃門侍郎同中書門下三品此條似當列於其後 又案新書濟傳亦載此事於末

列傳三十二

李義府

李義府召見太宗試令詠鳥其末云上林多許樹不借一枝栖帝曰吾將全樹借爾豈唯一枝

御覽九百二十 事類賦注十九云上無其末二字上上有日裏揚朝彩琴中伴夜啼十字許作少將作當爾作汝唯作惟冊府八百四十召見作初應進士舉劉洎馬周薦之令上無試字其末云作義府援筆爲詩曰多許作無限帝作太宗喜吾將一枝作當借卿全樹何一枝也下有尋除監察御史六字大唐新語卷七叙此事與冊府約同惟多許作許多帝曰作太宗深賞之曰爾作汝又揚作颺伴作半與事類賦注不同 案義府傳云黃門侍郎劉洎持書侍御史馬周皆稱薦之尋除監察御

史此條當補於薦之之下尋除之上

列傳三十三

蘇定方

貞觀中蘇定方率兵討突厥賀魯大雪平地二尺軍中咸請停兵候晴定方曰虜恃雪深謂我不能前進必當憩息追之可及若緩以縱之則漸遠難追省曰兼功在此舉也於是勒兵陵雪晝夜兼進所經收其人衆遂至雙河去賀魯所居二百餘里布陣長驅徑至金开山賀魯牙帳時賀魯集衆欲獵定方縱兵擊之盡破其牙帳生擒數萬人賀魯脫走投石國定方於是悉命諸部歸其所居埋瘞骸骨存問疾苦復其產業賀魯所虜掠者悉檢責還之於是西域諸國安堵如故令副將蕭嗣業往石國以追賀魯遂擒歸於京師

御覽二百八十九 通典一百五十五陵作凌并作牙帳作所  
餘悉同通鑑載此事在顯慶二年十二月會要九十四叙此事  
同而文與御覽迥異云在二年正月據通鑑是年閏正月方命  
定方及蕭嗣業討突厥會要作正月誤冊府九百八十六年月  
與通鑑合而文較御覽詳又四百二十八緩上無若字陵雪作  
涉雪收其作救其雙河下有與彌射步真相會兩軍合勢十一  
字居作安里上無餘字金并亦作金牙帳亦作所集下有諸字  
縱兵擊之作與彌射縱兵擊之數萬人下有並獲其鼓纛器械  
七字賀魯下有遂與啞運及其女夫閭噉等十一字無定方於  
是以下六十四字又三百六十六貞觀作永徽二尺作三尺二  
百作一百并亦作牙餘與御覽同惟無於是至如故三十三字  
擒上無遂字 案御覽作貞觀及冊府三百六十六作永徽並

誤當從通鑑及冊府九百八十六 又案定方傳云賀魯及陞  
運十餘騎逼夜亡走定方遣副將蕭嗣業追捕之至於石國擒  
之而還此條當是彼處逸文 又案高宗紀此事在顯慶三年  
突厥傳此事亦在顯慶二年皆與此條文義不同故定爲定方  
傳逸文

列傳三十四

裴行儉

裴行儉初以門蔭補宏文生累年在館唯閉戶讀書館司將加薦  
舉固辭左僕射房元齡問其故對曰遭隋季亂離私門書籍蕩盡  
冀在館披閱有所成耳

御覽六百十九 案行儉傳但云幼以門蔭補宏文生此條當  
是彼處逸文

列傳三十五

張文收

有梟晨鳴於張率更庭樹其家以爲不祥連唾之文收云急灑掃  
吾當改官言未畢賀者已在門

御覽九百二十七 案文收傳但云遷太子率更令卒官此條  
當是彼處逸文

列傳三十八

附蘇  
瓌傳

蘇震

蘇震爲太常卿聖歲東都耆老表乞行幸上重違其心選勤舊勳  
賢爲之牧守遂以震爲河南尹兼御史中丞仍充東都畿甸觀察  
使

御覽二百五十二 案新書蘇瓌傳云瓌諸子頤詵顯詵子震

遷文部侍郎二京平改河南尹又云以勞封岐國公拜太常卿  
代宗將幸東都復以震爲河南尹未行卒是震爲河南尹前後  
兩次此條旣言由太常卿爲河南尹則是後一次矣舊書代宗  
紀云廣德二年十月甲申河南尹蘇震卒而蘇瓌傳後不附見  
震事必有脫文當以此條補之冊府六百七十一聖作是上作  
帝選上有乃字勤作者旬作內

### 蘇頌

景龍四年初定內難唯中書舍人蘇頌在太極殿後文詔填委動  
以萬計手操口對無毫釐差誤主書韓禮談子陽轉書詔草屢謂  
頌曰乞公稍遲禮等書不及恐手腕將廢

御覽二百二十二 會要五十五乞作望廢下有中書令李嶠  
見之歎曰舍人思若湧泉嶠所不測也二十字係是年六月二



日事 案新舊書本紀元宗平內難在六月庚子據通鑑是年七月庚戌朔則庚子當是六月二十日或二十一日會要二下必有脫字冊府五百五十一四年下有元宗二字文詔至萬計作屬機事填委文詔萬計頌在太極殿後六字在計字下轉作傳草在詔字上乞下有明字廢下亦有中書令李嶠歎曰舍人思如湧泉嶠所不及也十八字通典二十一語與御覽同而年月日與會要無異 案頌傳云機事填委文詔皆出頌手中書令李嶠歎曰舍人思如湧泉嶠所不及也此條當是彼處逸文又案新書頌傳叙此事亦在中書令李嶠之上

列傳三十九

王方慶

王方慶太原人也雅有材度博學多聞篤好經方精于藥性則天

令監領尙藥奉御張文仲侍醫李虔縱光祿韋慈藏等撰諸藥方  
方慶撰隨身左右百發百中備急方十卷大行于代

御覽七百二十四 案方慶傳云方慶博學好著述所撰雜書  
凡二百餘卷此條當是彼處逸文 又案方慶傳首云雍州咸  
陽人也周少司空石泉公襄之曾孫也其先自琅邪南度此條  
太原二字必琅邪之誤蓋襄之族系本出琅邪與太原無涉也  
列傳四十二

### 韋陟

韋陟性尙奢侈多於饌羞尤爲精潔植穀麥仍以鳥羽擇米每食畢  
視厨中所委棄不啻萬錢之直

御覽八百四十八 案陟傳云勢侔於王家主第此條當是彼  
處逸文 又案新書陟傳叙此事亦在侔於王宮主第之後

蕭至忠

蕭至忠爲監察御史彈鳳閣侍郎同鳳閣鸞臺三品蘇味道賊污  
貶官御史大夫李承嘉嘗召諸御史責之曰近日彈事不諮大夫  
禮乎衆不敢對至忠進曰故事臺中無長官御史人君耳目比肩  
事主得各自彈事不相關或先白大夫而許彈事如彈大夫不知  
白誰也承嘉默然而憚其剛正

御覽二百二十七 會要六十一各下無白字關下有白字或  
作若許彈下無事字而有則可如不許彈則如之何十字大夫  
上脫如彈二字正作直係長安四年三月事通典二十四同諮  
作咨關下有白字或作若憚上無而字 案新書武后紀及通  
鑑蘇味道之貶在長安四年三月與會要合新書至忠傳叙此  
事於神龍初之前舊書至忠傳神龍初之上不載其官監察御

史事此條當是彼處逸文 又案冊府五百十五與御覽悉同  
又五百二十節引此事無御史大夫李承嘉以下云云

姜皎薦源乾曜元宗見之大悅驟拜爲相謂左右曰此人儀形莊  
肅類蕭至忠朕故用之左右曰至忠以犯逆死陛下何故比之元  
宗曰我爲社稷計所以誅之然其人信美才也

御覽六百三十二 冊府六百二十三及七百八叙此事同而  
文迥異大唐新語卷六與此同惟見之下無大悅二字類作似  
次日字上有對字 案源乾曜傳與此條事同文異故定爲至  
忠傳逸文 又案至忠傳云捕而伏誅籍沒其家此條當是彼  
處逸文 又案新書叙此事亦在至忠傳末

列傳四十四

盧藏用

盧藏用初隱終南山後出仕道士司馬子微歸天台山羣公祖道藏用指終南山曰此中甚有佳處何必天台子微曰以吾觀之此乃士宦之捷徑爾藏用有慙色

御覽三十八 案新書盧藏用傳載此事通鑑叙此事於景雲二年十二月疑舊書藏用傳末亦載此事而今本脫之也新舊書司馬承禎傳皆云字子微大唐新語卷十微作徵未知孰是新書藏用傳及通鑑士宦作仕宦當據以改正

### 列傳四十六

姚崇

姚元崇侍元宗獵于渭濱上曰卿頗知獵乎元崇曰臣少居寶城澤不知書唯以射獵爲事年四十方遇張憬藏謂臣當以文學備位宰相無爲自棄邇來折節讀書今雖官位過忝至於馳射老而

猶能於是薦放犬遲速稱旨上大悅曰久不見卿思有顧問卿可於宰相行中行常後上縱轡久顧曰卿行何後公曰臣官疎賤不合參宰相行上曰可兵部尙書平章事

御覽六百十四 通鑑載上獵渭川召見姚元之事在開元二年十月冊府八百十一引自少居廣城澤起至折節讀書止與御覽約同惟城作成通鑑考異引吳兢所撰升平源叙此事首尾較詳城作成不知上有日字宰作將邇作爾薦作呼鷹上大悅下有上字常後作公行猶後久下有之字 案崇傳云代郭元振爲兵部尙書同中書門下三品此條當是彼處逸文

先天二年十月皇帝講武於驪山時元崇爲馮翊太守車駕幸三百里內合朝覲遣中官促元崇赴行在上方獵于渭濱而元崇至上曰朕久不見卿思有顧問卿可宰相行中行元崇猶後

上案轡久之顧曰卿何後元崇曰臣官疎職卑賤不合參宰相  
行上曰可兵部尙書同中書門下平章事元崇不謝上頗訝之  
至頓上命宰相坐元崇乃跪奏曰臣三奉作弼之詔未卽謝者  
臣以十事上獻有所不行臣不敢奉詔曰卿悉數之朕當量力  
而行然定可否元崇對曰自垂拱以來朝廷以刑法治天下臣  
請政先仁義可乎上曰朕深有望于卿也又曰聖朝自喪師青  
海未有牽復之悔臣請三數十年不求邊功可乎上曰可矣又  
曰先朝輕狎大臣或虧君臣之禮臣請陛下接之以禮可乎上  
曰誠當然有何不可又曰自武氏諸親猥竊權要之地繼以韋  
庶人安樂太平用事班序錯雜臣請國親不任臺省官凡有斜  
封待闕等官悉請停罷可乎上曰是朕素志也又曰近密佞倖  
之徒冒犯憲綱者皆以寵免臣請行朝典可乎上曰朕切齒久

矣又曰比因侯家戚里貢獻求媚近及公卿方鎮亦爲之臣請  
除租庸賦稅之外盡杜塞之可乎上曰願行之又曰太宗造福  
先寺中宗造聖善寺上皇造金仙玉真觀皆費巨萬蠹生靈凡  
諸寺觀宮殿請止絕建造可乎上曰朕重觀之卽心不安而況  
敢爲之者哉又曰自燕欽融韋月將獻直得罪由是諫臣阻絕  
臣請凡在官之士皆得觸龍鱗犯忌諱可乎上曰朕非惟容之  
亦能行之又曰太后臨朝以來喉舌之任或出于閹人之口臣  
請中官不預公事可乎上曰懷之久矣又曰呂氏產祿幾危西  
京馬鄧閭梁交亂東漢萬古寒心國朝爲患臣請書諸史冊永  
爲商鑒作萬代師可乎上乃潛然良久曰此事可謂剖肌刻骨  
者元崇再拜曰此陛下致仁政之初是臣千載一遇之日敢當  
輔弼之任天下幸甚又再拜舞蹈稱萬歲者三從官千萬皆出



涕上曰坐卿于燕公下燕公不敢坐問之說曰元崇是先朝舊臣合當首坐元崇曰張是紫微宮使臣外宰相不合首坐上曰可元崇遂居首坐天下稱賢相焉

丹鉛總錄卷十 十七史商榷云新書姚崇傳載其以十事要說元宗而不見于舊書本傳本紀亦無之楊慎丹鉛總錄第十卷乃言舊唐書與新書同載此一事然舊書所傳問荅具備首尾照應千年之下猶如面語新書所載則翦截晦澀事既多枉文又不通良可慨也此下又具載二書之文據彼所指以爲舊唐書文者今舊唐紀傳皆不見而所指以爲新唐書文者則良是實爲可怪繹其詞新不如舊誠然無如其非舊唐書文何也必楊氏偶見他書載之而誤記耳 案王氏謂楊氏誤以他書爲舊唐書其說良爲有見通鑑考異引

吳兢升平源與楊氏所引舊書雖首尾畧異而大致相同似楊氏卽誤記升平源爲舊書然御覽此條與升平源及楊氏所引舊書頗有彼此彷彿之處或楊氏曾見他書轉引舊書亦未可知今以御覽所引爲主而附錄楊氏所引以備考焉  
列傳四十八

盧懷慎

盧懷慎爲黃門監兼吏部尙書臥病旣久宋璟從愿常相與訪焉懷慎臥於弊簣單門無簾箔每風雨至卽以席蔽焉常器重璟及從愿見之甚喜留連永日設食有蒸豆兩甌菜數俎而已此外脩然無辦

御覽八百四十八 案據新書懷慎傳宋璟下從愿上當有盧字 又案舊書懷慎傳云四年兼吏部尙書其秋以疾篤累表

乞骸骨此條當是彼處逸文

李粲

附李元絃傳

高祖以李粲爲左監門大將軍禮高年也初高祖問粲年幾何對曰八十高祖曰公清幹之譽聞於隋日今年齒雖邁筋力未衰但監門之職非公莫可意欲相委如何粲以年老辭讓高祖曰藉公處分耳豈欲煩公筋力耶於是詔粲自非殿庭皆乘蜀馬論者榮之

御覽二百三十七 冊府六百二十六軍下無禮高年也四字  
幾下脫何字委作兼詔粲作詔曰非在自字上馬上無蜀字  
案李元絃傳云曾祖粲遷爲左監門大將軍以年老特令乘馬  
於宮中檢校此條當是彼處逸文

列傳五十一

韓思復

韓思復則天朝爲太常博士定南郊儀注去太妃鼓吹排羣邪守大體國家賴之睿宗朝爲給事活嚴善思於雷霆之下拒武三思於陷附之中元宗御筆題碑云有唐忠孝韓長公之墓

御覽五百五十八 冊府一百三十九節引此條自睿宗起給事下有中字陷作諂元宗作帝又四百五十九引與一百三十九同惟帝作元宗皇帝六百二十三則從韓思復起引至賴之止文與御覽同無睿宗以下云云 案思復傳末云十三年卒年七十餘此條當是彼處逸文蓋總括其生平以著御筆題碑之故也 又案新書思復傳叙題碑事亦在傳末

列傳五十九

契苾何力

司稼卿梁孝仁高宗時監造蓬萊宮於諸庭院列種白楊將軍契  
苾何力鐵勒之渠率也於宮內縱觀孝仁指白楊云此木易長三  
數年間可得蔭映何力一無所應但誦古詩白楊多悲風蕭蕭愁  
殺人意謂此是塚墓間木非宮中所宜種孝仁遽令拔去更樹梧  
桐

御覽九百五十七 冊府八百三十二司稼下有少字蓬萊作  
新種白楊作樹將軍作左驍衛大將軍無鐵勒以下六字於宮  
內作入中宮三數年間作不過二三年可得上有宮中二字一  
無所應作不答古詩下有曰字木下有也字無非宮中所宜五  
字更樹作更植又卷十四同惟左作右樹作白楊無種字中宮  
作宮中墓下無間字拔去下有之字梧桐下有謂人曰禮失求  
之於野固不虛也十三字會要三十引與冊府十四同惟樹字

在列白楊下驍作騎此是作此特拔作伐梧桐作桐柏下亦有  
謂人曰以下云云 案新書此事附見何力傳末疑此條乃舊  
書何力傳末逸文

舊唐書逸文卷九終

姪  
男  
校  
葉